



Bulent Coskun

Prof. dr sc. med.

Turska

On je profesor psihijatrije na Katedri za psihijatriju Medicinskog fakulteta Univerziteta u Kocaeli-ju, bivši predsjedavajući Sekcije za edukaciju Svjetske psihijatrijske asocijacije (WPA Section on Education, 2008 – 2014), Šef Centra za zaštitu mentalnog zdravlja u zajednici (CMZ) Univerziteta Kocaeli-ju i predsjednik Udruženja za promociju mentalnog zdravlja u zajednici (koje je član Svjetske federacije za mentalno zdravlje- SFMZ).

Medicinski fakultet i specijalizaciju iz psihijatrije završio je na Hacettepe Univerzitetu u Ankari (1972 – 1982). Radio je brojnim državnim bolnicama, a potom i kao Rukovodilac Odsjeka za mentalno zdravlje u Ministarstvu zdravlja Turske (1985 – 1991). Bio je voditelj razvojnih programa mentalnog zdravlja u bliskoj korelaciji sa Svjetskom zdravstvenom organizacijom (SZO), te uzeo aktivno učešće u Projektu naseljavanja i psihosocijalne podrške migrantima iz grupe, tada nazivanih, bugarskih etničkih Turaka (1989). Bio je u toku šest uzastopnih godina član delegacije Turske na Generalnoj skupštini SZO (1988 – 1993), te uzimao učešće u različitim misijama SZO u Tanzaniji, Makedoniji, Kirgizstanu, Kazahstanu i Turkmenistanu, kao i nizu radionica i obuka provedenih pod pokroviteljstvom SZO.

Osnivač je dvije Katedre za psihijatriju na univerzitetima u Inonu (istočni dio Turske) i Kocaeli-ju, gdje trenutno i ima angažman kao profesor psihijatrije. Nakon razornog Marmara zemljotresa (1999), vodi CMZ, uglavnom radeći na aktivnostima podizanja svijesti o mentalnom zdravlju, na lokalnom i nacionalnom nivou, te je dobio za svoj rad Zahvalnicu za razvoj edukacionih programa o podizanju svijesti o mentalnom zdravlju, od SZO i SFMZ (2004).

Autor je koautor više članaka, poglavlja u knjigama, te bio predavač na brojnim kongresima u Turskoj i širom svijeta. Autor je knjige: “Improving Mental Health in the Central Asian Republics” (WHO-Euro, 2000) a jedan je od urednika i autora knjige “Teaching Psychiatry, Putting Theory into Practice” (2011).

Bio je član Operativnog odbora Sekretara za edukaciju u Svjetskoj psihijatrijskoj asocijaciji i Predsjednik lokalnog ogranka Psihijatrijske asocijacije Turske. Član je Turskog društva za socijalnu psihijatriju.